

«Кулол Құрғон» жоме масжиди биноси пойдеворига биринчи ғишт қўйилди.



← @Vakillikuz

10:33 / 22.07.2019 2525

«Аллоҳнинг масжидларини Аллоҳга ва охират кунига иймон келтирганлар, намозни тўқис адо этганлар, закот берганлар ва Аллоҳдан бошқадан қўрқмаганларгина обод қилурлар» деб марҳамат қилган Аллоҳ субҳанаҳу ва таолога ҳамду санолар бўлсин!

«Ким бир масжид қурса, Аллоҳ унга жаннатда шунинг мислини қуриб беради», деб марҳамат қилган Расулимиз Мұхаммад Мустафо соллаллоҳу алайҳи васалламга дуруду салавотларимиз бўлсин!

Аллоҳ таолога ҳамду санолар бўлсинки, буюк алломалар юрти бўлмиш қадим Мовароуннаҳр юртимизда сўнгги йилларда масжид-мадрасалар қуриш яна одатий жараёнга айланиб бормоқда. Ҳар куни юртимизнинг турли вилоятларидан янги масжид қурилаётгани ёки қуриб битказилиб, ишга тушгани ҳақида хушхабарлар келиб турибди.

Пойтахтимиздаги Сузук ота, Шайх Мұхаммад Содик Мұхаммад Юсуф номидаги жоме масжидларнинг, шунингдек, Сурхондарё вилоятидаги «Ҳаким Термизий» жомеъ масжидларининг бунёд этилгани фикримизнинг ёрқин далилидир. Хусусан, Шайх Мұхаммад Содик Мұхаммад Юсуф номидаги масжиднинг юртимиз раҳбари томонидан бундан кейинги

қурилажак масжидлар учун намуна сифатида эътироф этилиши Ўзбекистонда масжид-мадрасалар қурилишига нақадар юксак эътибор берилаётганини ифодалайди.

Бугун 22 июль душанба куни пойтахтимиз Тошкентда ана шундай хайрли ишларнинг яна бир гўзал намунасига гувоҳ бўлдик. Ушбу кун Юнусобод тумани 12 даҳадаги «Кулол Қўрғон» жомеъ масжидининг ilk ғиштини қўйиш маросими бўлиб ўтди. Ўзбекистон мусулмонлар идораси раиси, муфтий Усмонхон Алимов бошчилигидаги бир груп дин пешволари, имомхатиблар, мударрислар масжид қурилишига ташриф буюриб, иш жараёни билан танишдилар. Масжид ҳайъати ҳамда барча усталар, масжид қурилишига моддий ва маънавий ёрдам бераётган юртдошларимизнинг ҳаққига хайрли дуолар қилдилар.



Шундан сўнг муфтий Усмонхон Алимов масжиднинг ilk ғиштини табаррукона қўйиб бериб, унинг қурилишига оқ фотиҳа бердилар.







"КУЛОЛ ҚҮРҒОН" ЖОМЕ МАСЖИДИ ҚУРИЛИШ ЛОЙИҲАСИ



@Vakillikuz



«Кулол-Қўрғон» жоме масжиди имом-ноиби Муҳаммад Баҳодир